


082.1
Sy996
W

19



国立国会図書館 タイトル『聚學軒叢書』 請求記号 082.1-Sy996



ガラス使用



国立国会図書館 タイトル『聚學軒叢書』 請求記号 082.1-Sy996

ガラス使用

聚學軒叢書第一集第六



082.1
Sy996



一	歲
壽	壘
	歲

歲星表

元和朱駿聲撰

貴池劉世珩校刊

聚學軒叢書第一集

問漢術分太歲太陰爲二太陰亦曰青龍按爾雅太歲在寅曰攝提格云云後總題曰歲名而此節解爲歲陰者乃謂天幹爲陽地枝爲陰太歲卽歲陰歲陰卽太歲後人何以強分爲二歟曰太歲實卽歲星上古以歲星所次之辰紀年卽攝提格云云也但歲星一年行一辰十二年一周天而其行也有疾有留有逆有伏歷一百四十有四年必超一辰不能與排定之紀年相應故愈差愈遠計歷一千七百二十八年而超辰一周排定之甲子則一千七百四十年而于辰二十九周其第一千七百四十年後之六十甲子當與歲星相應至一千八百零一年又漸差漸遠及第一千八百七十二

歲星長

55252



年而歲星又夏商以前其詳不可得聞已考漢太初元
超一辰焉年闕逢攝提格之歲是爲甲寅而漢志謂其年在丙子
歲星在丑則與古以歲星所次之辰紀年者寅與丑差
一算與漢志排定紀年之辰亦子與丑差一算於是
排定之辰強命爲太歲以取合於歲星所在之辰如歲
未則太歲在戌歲星在辰則太歲在酉因以古之攝提格等強命爲太陰
爲青龍而謂在太歲之前一辰如太歲寅則爲辰凡以
求合于古之歲名謂攝提格與當排定之年名謂丙子及實測
歲星所在之辰名謂星紀丑使三者均不相悖故遷就而爲
此至于今則又大不然按乾隆二十九年甲申以前以
三統術推之率差三算至甲申年星超一辰逮今道光

年間率差二算然差二算者恰以三統之太歲當太陰
以三統之太陰當大歲則與實測歲星相準如今以道
光十四年甲午爲厯元其年歲星在酉則太歲當在辰
而太陰當在午若依三統之太陰紀年曰道光甲午紀
年不云闕逢敦牂依三統之太歲紀歲曰太歲柔兆執徐不云丙辰
以歲星所在紀星曰星在大梁則名實不紊而今之時
憲實似以太陰紀年也但繼自今六十年後卽又不合
治厯明時所以取諸革與倘每年實測歲星以合于上
古之紀年斯歷之萬禩而不變當直曰道光十有四年
太歲在強圉作噩星在大梁而已雖然人且笑其讀爾
雅不孰也豐芑私識

乾隆元年丙辰起歲星表
次與道光同
丙辰
元旦
牛初
夕除
虛五
子

丑乙子甲亥癸戌壬酉辛申庚未己午戊巳丁
心氏軫張柳井胃奎室
四一六七初十三五七
寅卯卯辰辰巳巳午午未未申酉戌亥子

辰庚卯巳寅戊丑丁子丙亥乙戌甲酉癸申壬未辛
危女斗尾氏軫張柳井
三初二二七四
亥子子丑丑寅寅卯卯辰辰巳巳午午未未申申酉

卯辛寅庚丑巳子戊亥丁戌丙午庚巳巳辰戌卯丁寅丙
女斗尾氏角翌奎室危牛斗
二九四九二八一八三十一
子丑丑寅寅卯卯辰辰巳巳午戌戌亥亥子子子丑

未丁午丙巳乙辰甲卯癸寅壬酉乙申甲未癸午壬巳辛
畢胃壁危女斗柳井畢婁室
十初四三二一十十一三
申酉酉戌戌亥亥子子丑丑寅午未未申申酉酉戌戌亥

歲星表

三

歲星表

二



巳	巳	辰	戌	卯	丁	寅	丙	丑	乙	子	甲	亥	癸	戌	壬	酉	辛	申	庚	未	己
壁	室	女	斗	箕	房	亢	翌	張	井	參											
三	一	二	六	三	二	四	五	初	吉	初											
戌	亥	亥	子	子	丑	丑	寅	寅	卯	卯	辰	辰	巳	巳	未	未	申	申	酉		
元道 年九																					
酉	乙	申	甲	未	癸	午	壬	巳	辛	辰	庚	卯	巳	寅	戊	丑	丁	子	丙	亥	乙
張	鬼	參	昴	奎	室	虛	斗	箕	心	亢											
九	二	九	初	二	二	七	九	四	三	七											
巳	午	午	未	未	申	酉	戌	戌	亥	亥	亥	丑	丑	丑	寅	寅	卯	卯	辰		
子																					

午	戌	丑	辛	子	庚	亥	巳	戌	酉	丁	申	丙	未	乙	午	甲	巳	癸	辰	壬	
胃	尾	氏	角	翌	柳	井	畢	婁	壁	危											
三	十	三	六	五	六	吉	六	六	二	五											
酉	戌	寅	卯	卯	辰	巳	午	午	未	未	申	申	酉	酉	戌	戌	亥	亥	子		
元嘉 年慶										元癸 旦丑											
戌	甲	巳	丁	辰	丙	卯	乙	寅	甲	房	子	壬	亥	辛	戌	庚	酉	巳	申	戌	
軫	壁	危	女	斗	尾	房	角	翌	星	井											
二	二	吉	十	二	三	初	十	十	二	三											
辰	巳	戌	亥	亥	子	子	丑	丑	寅	寅	寅	卯	卯	辰	辰	午	午	未	未	甲	
巳																					

歲星表

四

歲星表

三



申	丙	未	乙	午	甲	巳	癸	辰	壬	卯	辛	寅	庚	酉	癸	申	壬	未	辛	午	庚
柳	井	昴	奎	室	虛	午	張	鬼	參	胃											
四	三	三	八	九	八	三	六	初	四	七											
午	未	未	申	申	酉	戌	戌	亥	亥	子	子	丑	巳	午	午	申	申	酉	酉	戌	戌
戌	庚	酉	巳	申	戌	未	丁	午	丙	巳	乙	辰	甲	丑	巳	子	戌	亥	丁	戌	丙
角	張	柳	井	畢	婁	室	箕	心	氏	軫											
初	七	十	十	初	初	十	五	五	二	六											
辰	巳	巳	午	午	未	未	申	申	酉	酉	戌	戌	亥	丑	寅	寅	卯	卯	辰	辰	巳

丑	癸	子	壬	亥	辛	年	卯	癸	寅	壬	丑	辛	子	庚	亥	巳	戌	戌	酉	丁	
旃	蒙	大	淵	獻			危	五	牛	三	斗	三	心	六	氏	四	軫	九	張	齒	
							亥	子	子	丑	寅	寅	卯	卯	辰	辰	巳	巳	午		
歲	星	長																			
亥	乙	戌	甲	酉	癸																
龍	關	伯	之	虛			辰	丙	卯	乙	寅	甲	丑	癸	子	壬	亥	辛			
							室	七	危	二	牛	六	斗	六	尾	五	氏	一			
寅	卯	辰					亥	亥	子	子	丑	丑	寅	寅	卯	卯	辰				
歲	星	所	次																		



光緒元年

乙丑丙寅丁卯戊辰己巳庚午辛未壬申癸酉甲戌乙亥

歲星表

彊梧大淵獻 著雍困敦 屠維赤奮若 商橫攝提格 重光直安 橫艾執徐 尙章大芒落 焉逢大律 端蒙汁洽 游桃芮漢 強圉作鄂

丁亥戊子己丑庚寅辛卯壬辰癸巳甲午乙未丙申丁酉

龍甯 漢津 顓頊之虛 豕韋 東壁 大梁 實沈 鶉首 鶉火 鶉尾 翌軫

寅丑子亥戌酉申未午巳辰

同治元年

甲寅乙卯丙辰丁巳戊午己未庚申辛酉壬戌癸亥甲子

歲星表

柔兆困敦 彊圉赤奮若 著維攝提格 祝犁單闕 上章執徐 重光大芒落 元默敦牂 昭陽協洽 闕逢涒灘 旃蒙作鄂 游兆淹茂

丙子丁丑戊寅己卯庚辰辛巳壬午癸未甲申乙酉丙戌

漢津 顓頊之虛 豕韋 東壁 大梁 實沈 鶉首 鶉火 鶉尾 翌軫 闕伯之虛

丑子亥戌酉申未午巳辰卯



丙子丁丑戊寅己卯庚辰辛巳壬午癸未甲申乙酉丙戌

著雍淹茂
屠維大淵獻
商橫困頓
昭陽赤奮若
亥戩攝提
尙章單闕
闕逢執徐
旃蒙大芒落
游兆敦牂
彊梧叶洽
著離涪歎

戊戌己亥庚子辛丑壬寅癸卯甲辰乙巳丙午丁未戊申

闕伯之虛
龍甕
漢津
顓頊之虛
豕韋
東壁
大梁
實沈
鶉首
鶉火
鶉尾

卯寅丑子亥戌酉申未午巳

爾雅歲陽

甲 闕逢
乙 旃蒙
丙 柔兆
丁 強圉
戊 箸雍
己 屠維
庚 上章
辛 重光

丁亥戊子

又作逢
又作蒙
又作桃
又作梧
又作維
又作維
又作陽

祝黎作詬
上章掩茂

己酉庚戌

月陽附

畢 橘
修 圉
厲 則
窒 塞

翌軫
闕伯之虛

辰卯

壬 玄默 又作橫艾 又作玄默

終 極

癸 昭陽 又作尙章

月名 附 正陬 又作聚 又作歙

寅 攝提格 又作蟬焉 又作亶安

二如 又作 三病 又作

卯 單闕 又作大荒落 又作大芒落

四余 又作舒 又作除

辰 執徐 又作大律

五舉 又作 六且

巳 大荒落 又作大芒落 又作大律

七相 又作 八壯

午 敦牂 又作大律 又作叶洽

九玄 又作 十陽

未 協洽 又作叶洽 又作汁洽

十一辜 又作 十二涂 又作

申 涇灘 又作涇灘 又作涇灘 又作涇灘

十三塗 又作 十四

酉 作噩 又作鄂 又作鄂 又作鄂

十五

戌 阍茂 又作掩茂 又作淹茂

十六

亥 大淵獻 又作掩茂 又作淹茂

十七

子 困敦 又作困頓 又作困頓

十八

丑 赤奮若 又作困頓 又作困頓

十九

歲星所次 閱一百四十四年而超一辰與年支合

二十

丑 星紀 改漢津 見爾雅

二十一

子 元枵 又為顓頊之虛

二十二

亥 陬訾 又為豕韋

二十三

戌 降婁 改東壁

二十四

酉 大梁


二十五

申 實沈

二十六

歲星所次

八



未 鶉首

午 鶉火

巳 鶉尾

辰 壽星 改翌軫

卯 大火 又為闕伯之虛

寅 析木 改龍甍 見楚語

今按星紀以牛得名今牛在子宮不在丑宮析木以箕斗得名今箕斗皆在丑宮不在寅宮大火以心得名今心在寅宮不在卯降婁以婁得名今婁在酉不在戌計今時距周初歲差已四十二度是名實相紊古宮不必施於今也

又按道光四年甲申則歲星當在鶉尾巳宮今正月

初一在參九度至十二月三十在鬼二度古參井鬼

跨申未二宮今參井鬼跨未午二宮均不在巳是名

實不符也當以今七政四餘本年為準而日星在未

軒轅十二次名義 按帝嚳能序三辰十二次當為所定

子為元枵 以虛在子得名 又為天竈 以虛危五星合 又為北陸

以子位北 又為顛頊之虛 以顛頊所都帝 因恆星東

移其差漸大今虛在子涉亥危當命子曰北陸或仍

名顛頊之虛

丑為星紀 以牛在丑得名 今牛在子當命丑曰漢津 以箕斗為識也

寅為析木 以箕斗在寅得名 今箕斗皆在丑當命寅曰龍尾 以龍尾為

歲星表

豕識也

卯為大火以心在卯得名又為闕伯之虛以心在寅得名今心在寅當

命卯曰龍首或仍古名闕伯之虛

辰為壽星以角亢在辰得名今角在辰涉卯亢在卯當命辰曰

翼軫

巳為鶉尾以翼軫在巳得名今翌在辰涉巳軫在辰當命巳曰

南陸或仍古名鶉尾

午為鶉火以柳星在午得名今柳在午星在巳涉午張在巳當

命午曰味或仍古名鶉火

未為鶉首以井鬼在未得名今井在未涉午鬼在午當命未曰

於菟或仍古名鶉首

申為實沈以參在申得名今參在申涉未可名西陸或仍古名

實沈

酉為大梁以趙之分野得名又為西陸以昴在酉得名今昴在申涉酉

當命酉曰天街或仍古名大梁

戌為降婁以奎婁在戌得名今奎在戌涉酉婁在酉當命戌曰

東壁以壁為識也

亥為陬訾又為媿背之口以室壁二座四方似口皆在亥得名又為豕韋

都分野得名今室在亥涉戌壁在戌當命亥曰天

龜或仍古名豕韋

按實測今時十二次子不用元枵而用顛頊之虛丑

不用星紀而改曰漢津寅不用析木而改曰龍槐卯



不用大火而用闕伯之虛辰不用壽星而改曰翌軫
已仍鶉尾午仍鶉火未仍鶉首申仍實沈酉仍大梁
戌不用降婁而改曰東壁亥不用陬訾而用豕韋則
名實不乖矣

武王伐殷歲在鶉火張十日在析木之津箕七月在天

駟房五在斗柄合朔星在天竈水星謂殷之十一月

周之十二月二十八日戊子後三日得殷之十二月


周之正月辛卯朔是年為辛未也故歲星在午大陰

在屠維作噩今言巳酉

二十八星古名始見于周禮馮相氏爾雅僅見十七名

月令見二十四史記見二十五而淮南
時則訓及漢志始備列焉

卯	角	辰角	龍角	靈星
卯	亢	天關	按可名龍首	
卯	氏	天根		
寅	房	天駟	天田	農祥
寅	心	大火	明堂	天衢
寅	尾	依辰	明堂	按可名東陸
丑	箕	南箕	風師	天口
丑	斗	南斗	漢津	臨宮
子	牛	牽女	犧牲	金雞
子	女	關梁	須女	後宮
子	虛	北陸		



亥	危	戌	戌	戌	酉	酉	申	申	申	未	未
蓋屋 天龍在危之南 天府	按北落師門近之 天廟 大水	營室 清廟 離宮	東壁 祕府 溝瀆	奎 封豕 武庫	天倉 聚眾	旄頭 西陸	天畢 罕車 躡 天階	天高 兩師 天階	天留 旄頭 西陸	東陵 天井	東井 水衡 南門
參	觜	畢	昴	胃	參	井					
唐星 晉星 白虎 白獸	天廟 虎首	天畢 兩師 天階	天留 旄頭 西陸	天倉 聚眾	東陵 天井	東井 水衡 南門					

辰	辰	巳	巳	午	午
軫 鳥駕 天車	翌 羽翮 天倡 樂府	張 素 張素 天廚	星 可名南陸 七星 天廚 按	柳 鳥味 鳥注 天廚	鬼 輿鬼 天廟 天目

道光十四年甲午爲麻元量天尺表

子	丑	寅	卯	辰	巳	午	未	申	酉	戌	亥
斗 箕 房 角 入 星 五 井 參 入 昴 二 奎 十 室 入 虛 八	牛 三 初	斗 三 初	牛 三 初	斗 三 初	斗 三 初	斗 三 初	斗 三 初	斗 三 初	斗 三 初	斗 三 初	斗 三 初

歲星表




五	四	三	二	一	初	十	九	八	七	六	五	四	三	二	一	初	七	六	五	四														
九	八	七	六	五	四	三	二	一	初	八	七	六	五	四	三	二	一	初	八	七														
七	六	五	四	三	二	一	初	九	八	七	六	五	四	三	二	一	初	六	五	四														
六	五	四	三	二	一	初	十	九	八	七	六	五	四	三	二	一	初	九	八	七														
五	四	三	二	一	初	十一	十	九	八	七	六	五	四	三	二	一	初	十	九	八														
四	三	二	一	初	十二	十一	十	九	八	七	六	五	四	三	二	一	初	十一	十	九														
三	二	一	初	十三	十二	十一	十	九	八	七	六	五	四	三	二	一	初	十二	十一	十														
二	一	初	十四	十三	十二	十一	十	九	八	七	六	五	四	三	二	一	初	十三	十二	十一														
一	初	十五	十四	十三	十二	十一	十	九	八	七	六	五	四	三	二	一	初	十四	十三	十二														
初	十六	十五	十四	十三	十二	十一	十	九	八	七	六	五	四	三	二	一	初	十五	十四	十三														
初	十七	十六	十五	十四	十三	十二	十一	十	九	八	七	六	五	四	三	二	一	初	十六	十五														
初	十八	十七	十六	十五	十四	十三	十二	十一	十	九	八	七	六	五	四	三	二	一	初	十七	十六													
初	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	十八	十七												
初	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	十九	十八											
初	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	二十	十九										
初	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿一	二十									
初	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿二	廿一								
初	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿三	廿二							
初	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿四	廿三						
初	廿六	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿五	廿四					
初	廿七	廿六	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿六	廿五				
初	廿八	廿七	廿六	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿七	廿六			
初	廿九	廿八	廿七	廿六	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿八	廿七		
初	三十	廿九	廿八	廿七	廿六	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	廿九	廿八	
初	三十一	三十	廿九	廿八	廿七	廿六	廿五	廿四	廿三	廿二	廿一	二十	十九	十八	十七	十六	十五	十四	十三	十二	十一	十	九	八	七	六	五	四	三	二	一	初	三十	廿九

六	七	八	九	十	十一	十二	十三	十四	十五	十六	十七	十八	十九	二十	廿一	廿二	廿三	廿四	廿五	廿六	廿七	廿八	廿九	三十
子	丑	寅	卯	辰	巳	午	未	申	酉	戌	亥	子	丑	寅	卯	辰	巳	午	未	申	酉	戌	亥	子
牛	斗	房	心	尾	九	氏	辰	軫	巳	張	午	鬼	柳	七	六	五	四	三	二	一	初	十	九	八
箕	畢	胃	雙	胃	戌	壁	亥	危	參	觜	胃	奎	胃	胃	胃	胃	胃	胃	胃	胃	胃	胃	胃	胃
角	虛	室	奎	室	奎	室	奎	室	奎	室	奎	室	奎	室	奎	室	奎	室	奎	室	奎	室	奎	室
參	星	翼	參	星	翼	參	星	翼	參	星	翼	參	星	翼	參	星	翼	參	星	翼	參	星	翼	參
未	申	酉	戌	亥	子	丑	寅	卯	辰	巳	午	未	申	酉	戌	亥	子	丑	寅	卯	辰	巳	午	未

歲星表

七



聚學軒叢書第一集第七

賀正 齋

五時 先人指示天度授以漢書律厯志表中二十八宿度數與志異者古疏而今密也回首已三十六年矣展對遺編涕零如雨光緒壬辰季冬男孔彰謹識

存	質
三	羅
齋	勳

質疑刪存目錄

甘泉張宗泰登封

卷上

河圖洛書說

先天八卦方位辯

梁州在殷周九服之外攷

羲和見征非由日食攷

積年在共和以前無據不可以推夏之日食說

臧文仲攷

楚子滅息非在魯莊公十四年攷

鄭洩堵寇堵俞彌攷

質疑刪存目錄

秦獲晉侯之月建成攷

孔子生攷

蹇叔哭師無百里奚攷

字彗辯

春秋列國置閭說

戰于郎爲郊字之誤辯

吳季札論

春秋徐國攷

許遷于夷杜註証誤

分野說

小宗伯註六十四氏氏誤作民解

大師小師瞽矇眡瞭下無府史胥徒辯

坊記陽侯說

問津處辯

鄒邾音之轉解

集大成金聲玉振說

援爲櫻字之誤解

先龍字攷

雁鴈辯

鼯鼠註正誤

鼯鼠辯音

卷中

質疑刪字目錄

有吳州石目録



封禪書齊桓涉流沙辯

秦始皇南渡淮水之衡山乃天柱山攷

漢孝景前四年中四年兩日食辯

辯兩戒之誤

歲首之月辯

元朔二年二月乙巳晦考

漢時未立今太平府屬之當塗攷

王莽傳辯誤

巨毋霸攷

漢客星犯御座攷

蔡邕非無嗣攷

周舉傳辯誤

東城前漢屬九江後漢初屬臨淮後屬下邳攷

蜀仍漢用四分麻攷

關壯繆八字辯

蠟磯辯疑

辯陳壽父被髡之妄

辯陳壽三國志以帝制予魏之隱

古無帽字說

郭嘉傳攷證

魏少帝奐紀辯誤

辯牛繼馬之妄

孟嘉落帽龍山不在姑孰攷

卷下

黃帝無與神農之後戰說

漢初五星聚東并非漢十月亦非秦十月攷

辯漢書地動儀之妄

袁安臥雪時至門者乃汝陽令今皆作洛辯誤

司馬彪郡國志廣陵郡下脫一城非海陵併入東陽攷

魏書崔浩傳熒惑在瓠瓜亡失之妄通攷

新舊兩書薛愿龐堅傳與來瑱等傳相戾攷略

大橋小橋之姓從木而非太尉元之女攷

竇滔無鎮襄陽事蘇氏回文非由陽臺故辯

辯白樂天無贈盼盼詩諷以死事盼盼所答詩亦出附

會說

附辯燕子樓原詩非盼盼所作

宋劉牧忽本陳希夷之傳謂河圖數九洛書數十後之言圖書者遂據九十兩圖爲固然於是漢上朱氏本之列二圖於易數鉤隱圖之首而蔡元定又援圖中戴九履一云云以配九疇以洛書爲九數朱子周易本義亦指天一地二節陽奇陰偶爲所謂河圖者也蔡氏且謂圖書之象自孔安圖劉歆關朗邵堯夫皆如此至劉牧始易之朱子爲宋大儒元定又朱子所推重故後儒無不據以爲說而不知九十兩圖本與古所云河圖洛書無涉劉歆之說已與周易尙書論語異况後起之紛紛者乎又按太乙下行九宮見周易乾鑿度鄭康成注以爲下行八卦之宮每四乃還於中央故謂之九宮後甄

鸞術數紀遺注有戴九履一云云與鄭所注乾鑿度之次序同按鄭注太乙下行九宮從坎始卽甄注之履一也自此而坤宮卽二四爲肩之二也又自此而震宮卽左三右七之三也又自此而巽宮卽肩之四也所行者半還息於中央之宮卽五居中央也既又自此而乾宮卽六八爲足之六也自此而兌宮卽右七也自此而艮宮卽足之八也自此而離宮卽戴九也按鄭云下行八卦之宮宜劉牧等以此爲河圖卽劉歆伏羲則河圖畫八卦之說也而大戴禮盛德篇言明堂有二九四七五三六一八之文盧辯注乃以爲法龜文此又蔡氏移戴九履一左三右七二四爲肩六八爲足爲洛書之所本然龍負圖龜負書文本緯書易第言河出圖洛出書而已况九疇雖有次序其義與九宮懸殊合而爲一歧之中又有歧矣



先天八卦方位辯

天地定位一節本義引邵雍之說以爲伏羲之易然所謂乾南坤北離東坎西兌居東南震居東北巽居西南艮居西北者於古無徵況夏之連山實本伏羲見康成周禮注並未言艮之方位惟本經帝出乎震一節八卦方位分配有明文則可信者文王之卦位卽伏羲以來之卦位無所謂先後天之分也黃東發學宗朱子者也亦不信其以康節之說爲然

梁州在殷周九服之外攷

岷嶓旣藝書於梁州梁在唐虞版圖矣周有雍無梁而雍之山曰嶽澤曰弦蒲川浸曰涇汭渭洛則南不兼梁

州爾雅九州冀豫離荆揚兗徐幽營而無梁州郭璞曰蓋殷制牧誓作於伐紂時日及庸蜀羌髡微盧彭濮人稱之爲人不在友邦冢君之列則商時夷之九服以外可知載籍之可徵蜀事者華陽國志而外諸書所引惟揚雄蜀本紀俱以爲周失綱紀蜀先稱王其次序自蠶叢柏灌以至盧帝而皆言蜀之先肇於人皇之際至昌意娶蜀山氏女帝嚳後封其支庶於蜀其與中土離合之際似在上古路史直列蜀山氏於十紀中不足爲據然據二代無梁州求之疑蜀之不與中國通當在太康失位時惟時不窟西竄而梁州遂自外聲教春秋時戎皆稱王見於史記戎在雍州與梁相近宜蜀之亦稱王矣

義和見征非由日食考

推日食古無其法始見魏楊偉所上景初麻其漢初三
統麻祇有推月食法及五星行度其日食則自漢以前
皆見食而後知之故漢書於日食往往云京師不見某
邑以聞又熹平二年下注引四年正月朔蔡邕上書云
日體微傷羣臣赤幘赴宮門之中無救乃各罷歸而禮
載孔子送葬遇日食而止柩就道左諸侯見天子日食
居廢朝之一皆是也若史官能預測之何不別擇一日
以行事乎且不知食日者之爲月故禮記祇云適見於
天又周詩十月之交云日有食之嗣是春秋沿而書之
俱是見日之食而爲之辭故漢志以日食入五行志不

入天文志且孔子亦云安知其不見星也非若後世可
據月行而定其食之分數爲史官之職又昭十七年傳
云祝用幣史用詞史之職第與祝等作爲古文尙書者
出魏晉閒人因見昭十七年四月日食之下太史引夏
書云云遂附會義和之征爲由日食考其時在行景初
麻之後其人似稍知麻法以房爲秋月日所在之宿故
於辰弗集於房之上增季秋月朔造允征一篇不知書
序止云義和涵淫廢時亂日允往征之史本紀同而多
在中康時數字然則義和見征在中康時史或可據而
細繹時日云者日當指甲乙之日朔間有誤則日不在
時故曰廢日亂舜巡狩時協時月正日則時日爲有天

質疑刪補卷一
四
下者之大事又啓之戰甘亦云有扈氏怠棄三正或羿之專政實有改時日之事如後世或改用丑正子正者中康得以爲辭而書序著之是日非七政中之日也若是日食何與於時且即使罪在不知日食何至六師移之况係一史官之失何爲云玉石俱焚乎此又自貢其僞者矣

積年在共和以前無據不可以推夏之日食說

宋以前無以古文尙書爲僞者故大衍推中康時日食在五年九月合於允征之文特非肇位之年耳至閻百詩大暢吳才老之說著古文尙書疏證洵爲漆室之燈但亦以義和見征卽左氏所引之事而據授時厯推在

中康十一年五月以爲與昭十七年太史引於四月日食之下證夏時食在正月而古文與厯法不合然大衍推中康五年歲在癸巳則元年己丑也閻據授時厯推在中康十一年爲壬申是元年壬戌也元且不一而日食又何以推焉考史之編年始於春秋史記由春秋上溯之作十二諸侯年表自共和庚申以後方有各君在位之年可紀而三代世表及夏商兩紀第紀世次而已卽夏商兩代統計一朝厯年亦始見漢志所引三統厯日夏后氏繼世十七王四百三十二歲商自伐桀至武王伐紂六百二十九歲然各君在位亦無紀年大衍以日食在中康五年癸巳者未知何據惟帝王世紀云帝

堯元年甲辰舜徵用七十九年壬午卽眞夏啟元年甲辰十年癸丑崩不見太康在位之年以癸丑至己丑推之則是太康在位三十五年也而金仁山通鑑前編中康在位二十九歲始癸已終辛酉相去非前四十年卽後二十年不知與大衍所推之年合否而通鑑前編雖堯元年亦係甲辰而禹元年則丙子是禹之在位前編與世紀相距七年而考史記殷周兩本紀注引汲冢紀年於夏云有王與無王用歲四百七十一年是較三統厯多三十九年疑漢志缺無王四十年於殷云湯滅夏以至於受二十九王用歲四百九十六年較三統厯少一百三十三年今所存竹書紀年雖依傍此文爲年而

堯元年則丙子此蓋僞書中之僞者今以史記紀年帝王世紀合考中康元年且莫定何有於日食之在五年與否若閻氏所據爲十一年壬戌者則正合前編之年考前編半用帝王世紀半用皇極經世而世紀自禹以後無人君在位之年惟經世則詳之大抵自古厯年至宋人頗多歧出惟司馬溫公稽古錄惟此爲慎若羅泌路史則以堯元年爲戊寅章俊卿山堂考索又以堯元年爲癸未則是與丙子甲辰爲四說未免皆鑿空之論又考通鑑帝王世紀無夏殷統計之年而通鑑前編則夏爲四百四十年商爲六百四十五祀俱較三統厯爲多授時厯始於元郭守敬而亦引大衍日食議以中康

五年爲癸丑雖未知於三統厥帝王世紀竹書紀年何如而要其時尚不以皇極經世之年爲然若閻氏則不免爲經世書所場也後世之推日食者當自周詩十月之交始以在其和以後積年可憑也

臧文仲考

達乃臧哀伯之名見桓公二年傳而林堯叟於莊十一年傳臧孫達曰下注云卽臧文仲故惠定宇謂達爲辰之誤然按杜注於本年傳上臧文仲曰注臧文仲魯大夫而臧孫辰魯大夫乃見莊二十八年經注假令十一年傳卽作臧孫辰不應至二十八年始有注以襄八年鄭侵蔡子產無文德而有武功之論見怒子國推之則

春秋時大夫之子雖未嗣位父子同朝者甚多無嫌先爲文仲之言後爲哀伯之言祖孫同論如陳文子之於桓子則達非辰字之誤杜之無注以哀伯名達之已見於前也且文仲卒於文十年計自莊二十八年至文十年中間莊公仍有四年又閔二僖三十三再加文公十年是文仲以卿見經後歷四十九年而又逆數至莊十一年則總凡六十六年春秋時當國久者莫如鄭子產子產自襄十年爲卿卒於昭二十年不過三十三年而見怒子國時在襄八年卽自此年順計之而至昭二十年亦祇共四十四年耳考臧氏世系僖伯卒於隱五年而哀伯之卒傳無可考伯氏併無諡自緣未嗣位之故

則哀伯之後即接文仲自隱五年至莊十一年不過三十五年則哀伯猶在無疑况宣叔雖自宣十八年始見而嗣位必在文十年考其卒於成四年在位亦不過三十年但使文仲卒年八十則莊十一年不過年十三四設止年七十則未必早慧如斯且莊二十八年以後傳多載文仲之事與言而自莊十一至二十八中間傳文所引爲申繻^{十四年}曹劌^{三十三年}御孫^{三十四年}之言絕無文仲一事一言是所疑轉不在達字之誤矣

楚子滅息非在魯莊公十四年考

隱十一年傳君子是以知息之將亡也正義云莊十四年楚滅息按楚子以息媯一婦人而事二夫不能死之

言遂伐蔡經書秋七月荆入蔡實爲莊十四年若滅息亦是年即使在春必不能數月而生堵敖及成王攷楚敗蔡師於莘以蔡侯獻舞歸在莊十年楚子因蔡侯之繩息媯而遂滅息必在十一二年去莘役不遠方於生二子有合正義未攷十四年之傳爲追敘率以爲是年滅息非

鄭洩堵寇堵俞彌攷

鄭之臣有洩氏有堵氏僖二十年入滑者爲洩堵寇二十四年伐滑者爲堵俞彌而兩年同帥師者皆有公子士今左傳各本二十四年士堵二字中夾洩字陳厚耀因定爲公子士洩然二十年傳杜註公子士鄭文公子

洩堵寇鄭大夫而二十四年傳註僅有堵俞彌鄭大夫於公子士無註明兩年皆一人故不重注也蓋洩字因二十年而誤

秦獲晉侯之月建戌攷

僖十五年傳秦獲晉侯以歸杜注經書十一月壬戌十四日經從赴按陰飴甥會秦伯盟于王城傳繫之十月故以戰韓原之壬戌在九月十三日而經書十一月爲從赴然晉所用者夏正惠公以周正十一月見獲在晉實爲九月晉必以九月書于策而告傳用晉史文經是魯史自用周正蓋皆建戌之月不可泥九月十一月之文以爲有異也杜之爲左傳注在竹書未出前不以爲

從赴則經傳背戾其實陰飴甥會秦伯之月亦周正十


二月晉侯之歸乃十六年之正月俱遞差兩月左傳第

據月之次序排之讀者會而通之則得矣按魏舒之城成周衛彪侯

論其南面干咎左氏一載之定四年冬十一月一載之五年春正月其實祇是一事而兩書之者當亦是一據晉史一據魯史晉之十一月魯之次年正月也左傳並存之忘刪其一且左氏是時不知晉用夏正不刪或所以存疑

孔子生攷

襄三十一年杜注仲尼以二十二年生於是十歲此與史記孔子世家魯襄公二十二年孔子生同然左傳止續經於哀十六年四月書孔丘卒而孔子之生則二傳備之穀梁傳襄二十一年庚子孔子無月而是年經盡



十月不別書月則生在十月可知公羊傳襄二十一年
十有一月庚子孔子生年與穀梁同而特書十一月此
是各書所聞而可據者惟日之庚子攷襄公二十一年
經十月庚辰朔三傳同則十月二十一日庚子十一月
不得有庚子按二傳在史記前似非無據而金仁山定
以襄二十一年九月十月連月日食爲非生聖人之年
更謂爲八月二十七日己交九月朔氣故公羊作十一
月穀梁作十月皆是臆爲附會至授時有一定之法惟
今西法有閏日而無閏月月之初一皆起節氣然尙有
太陰年太陽年之分未聞三代之時卽以節氣定月也
則十有一月自爲公羊之誤而二傳皆曰庚子後人尙

得據之以推其月至杜氏襄三十一年注及哀十六年
注雖均主襄二十二年而昭七年傳注云僖子卒時孔
子年三十五按僖子卒在昭二十四年則上距襄二十
一年正合三十五之數是杜又未嘗不以孔子爲生于
襄二十一年與賈服諸說同而正義轉據前注謂爲三
十四之誤由此推之恐前後傳注俱當作二十一其所
云十歲年七十三者恐皆係後人據上注改之而孔子
之生斷當爲襄二十一年十月庚子周時十月建酉當
爲今八月二十一日無疑若穀梁注以爲歲在己卯今本
譌爲乙卯與他說以爲己酉日者不同大抵自秦以前歲之
甲子多出後人推算姑從闕疑可也

蹇叔哭師無百里奚說

僖三十二年秦穆公使孟明等出師蹇叔初哭孟子而送之又以其子與師亦哭而送之左傳如是孟明爲百里奚子哭而送之爲蹇叔明是時無百里奚也二傳則不然其先之諫穆公也則曰百里子與蹇叔子及師行百里子與蹇叔子先哭而送之又哭而戒之史秦本紀少異而亦有百里奚按百里奚媵秦伯姬在僖五年而史秦本紀已云當是時百里奚年已七十餘史記蓋據孟子奚之卒雖無可攷而自僖十三年是年距僖五年七年與史商鞅列傳晉傳趙良所云相秦六七年之說合乞糴于秦謂百里與諸乎以後絕無奚之言語事爲蓋不久而奚卽亡矣公穀史記俱不足據

孛彗辨

隋天文志彗星世所謂掃星小者數寸長或竟天又曰孛星彗之屬也偏指曰彗芒氣四出曰孛言彗孛之分最爲明析而史記天官書前敘五星之變歲星進而東南三月生彗星長三丈又辰星蚤爲日蝕晚爲彗星篇末推占天變則云春秋二百四十二年之間彗凡三見當是推春秋昭十七年經有孛星于大辰傳申須曰彗所以除舊布新也之文而公羊文十四年昭十七年哀十三年傳亦俱曰孛者何彗星也後漢書凡紀書爲彗者司馬彪之志皆作孛而班固之書則彗孛雜書是自周秦以來彗孛不分故杜氏文十四年經注云孛彗也

昭二十六年傳齊有彗星正義曰彗即孛也而攷文十四年星孛入於北斗北斗七星分繫九州當時豈獨見於兗州之星昭十七年星孛於大辰大火宋也於魯何與哀十三年十有一月有星孛於東方杜注以爲在平旦周十一月建戌日在卯宮先日而見當爲壽星之次壽星乃鄭之分野是并十四年有星孛未繫在天何次孛凡四見皆書於經以此推之則昭二十六年之孛亦當見經乃杜以爲出齊之分野此亦本之史齊世家景公日星出東北當齊分野寡人又云魯不見不書正義以爲或陰不見夫齊魯接壤非同秦越之遙何至陰晴迥別又況彗係移舍之星有見有滅豈得以元枵之次泥之據晏子云且天之

有彗也所以除舊布新也則明是彗無疑非如昭十年有星出于婺女之類揆不見經之由或史有闕文抑隨見隨滅故未之書斷非以出齊分野及陰不見至若隋志引晏子曰君若不改孛星將出彗又何懼乎史齊世家孛作弗顯與左傳悖當是據後世星占附會之於春秋時無當也此亦猶古未以天市爲垣至晉志始分別之言天文亦有沿革考古者不可不知杜於天文亦不甚了了如房星尾本在天漢西非關節氣昭十七年傳有星孛於大辰西及漢注乃云夏之八月辰星見在天漢西

春秋列國置閏說

古以無中氣之月置閏然古用平朔月一大一小日食有晦及二日之不同夫食以日月交會見也日月交會



爲合朔而食乃在晦及二日則是麻之晦朔非天之晦
朔也遼史麻象志云遼漢周宋俱行夏時各自爲麻遼
初用乙未元麻本何承天元嘉法後用大明麻法本祖
冲之甲子元麻承天日時晦朏一章必七閏冲之日必
食朔或四年一閏用乙未麻漢周多同用大明麻則閏
與宋異國史敘事甲子不殊閏朔多異耶律儼紀以大
明法追正乙未月朔又與陳大任紀時或牴牾又云五
代麻三變宋凡八變八變共一百四十四年起太祖
建隆元年訖徽宗崇甯五年遼
終始再變今攷其閏考朔考二篇如開泰九年聖宗三
十八年
庚申當宋眞宗天禧四年遼閏二月宋閏十二月太康
三年道宗一
十二年丁巳當宋神宗熙甯十年遼閏十二月宋

閏次年改元元豐元年戊午正月天祚乾統十年庚寅
當宋徽宗大觀四年遼閏七月宋閏八月大率兩國一
百四十餘年閏之前後相差一月者二而庚申年則自
二月至十二月中間相去十月而月之大小各異者不
與焉此緣南北各布正朔故其異可考春秋時之閏亦
猶是已晉用夏正其一證也僅據魯史日月以定各國
之閏朔恐有所未能合遼史可發其凡若誤會斗指兩
辰之閒云云幾若在天本有此月名閏則失之矣

戰于郎爲郊字之誤辯

戰于郎鄭氏注魯近邑也正義引公羊桓十年傳郎吾
近邑也爲證

史記孔子世家亦作戰
于郎當是承禮記而誤

案隱元年左傳費

質疑刪字卷上

三

伯帥師城郎杜注郎魯邑高平方與縣東南有郁郎亭
方與今之魚臺也隱五年經公矢魚于棠杜注今高平
方與縣北有武唐亭魯侯觀魚臺亦即二年秋公盟戎
之所釋例土地名棠即唐本宋地正義曰在魯部內云
本宋地蓋宋魯之界上是方與縣之北名棠者爲魯而
其東南近宋者爲郎不得爲郊頭邑名也郎之不得與
齊近大證尤皆在經傳莊十年齊師宋師次于郎公敗
宋師于乘丘是與宋戰在郎也又前桓十年齊侯衛侯
鄭伯來戰于郎正義引公羊吾近
邑也即此年傳是年魯以周班後鄭
鄭請師於齊齊以衛師助之是與鄭衛戰于郎也是年
與後莊十年兩戰首書齊者以主兵故可知非戰之地

近於齊也莊八年亦書師次于郎以俟陳人蔡人夫於
陳人蔡人言次則次之地近陳蔡可知而閔元年召季
友于陳公次于郎以待之亦即郎近陳之證他無因郎
而單書齊者蓋今之魚臺西與河南省接壤陳蔡鄭衛
皆在河南若齊則在魯北所謂泰山之陽爲魯其陰則
齊者也郎尤在魯之南况哀十一年之傳於齊師所至
之地次序尤有遠近可考初曰齊高無丕帥師伐我及
清杜注濟北盧縣東北有清亭盧縣今爲長清縣隸濟
南府濟南在宋爲齊州太平寰宇記齊州東南至兗州
四百四十五里而長清則西北距齊八十里是清仍在
魯北三百六十五里也又曰冉求帥左師季氏之甲七

千冉有以武城三百人爲己徒卒次於雩門之外杜注
南城門又曰五日右師從之師及齊師戰於郊齊師自
稷曲杜注稷曲郊地名魯雩門亦名稷門卽莊末年傳
圉人犖所投蓋者稷曲當爲稷門之曲是郊地僅有稷
曲一名見於傳齊魯之師相遇於此緣齊師雖自北來
而二子不能從公御諸竟故致齊師深入禦之只於南
門此冉求所謂居封疆之間也右師之從又踰五日於
是齊師至稷曲下又云陳瓘陳莊涉泗郡國志云闕里
背洙面泗太平寰宇記云闕里在曲阜縣西南二里然
則闕里在魯城西南泗又在闕里之南齊人雖因右師
之奔而入而亦由冉求之入齊軍齊人遂不能師而遁

魚臺在宋隸單州東北距州九十里單州則東北距兗
州二百七十里是郎尙在魯西南一百八十里實爲齊
所未至况下傳又曰爲郊戰故公會吳子伐齊是此戰
實名郊而檀弓作郎者係由字形相近而誤附昭十二年經齊高偃帥師納北燕伯於陽傳齊高偃納北燕伯款於唐杜元凱於經下註云陽卽唐燕別邑中山有唐縣按唐古文从口易蓋經用古文傳用今文其實一也作陽者字之誤耳

吳季札論

延陵季子非敝屣千乘者也而以智識成其高在春秋
讓國諸賢中不多觀泰伯以嫡長應立而不居讓國之
名豫之荆蠻季子倘慕祖風則當致國季子之議始有
萌芽於諸樊未隕戴吳未戕之先卽宜去而之他而乃

歷事諸兄爲之出使上國將兵征伐此其去就之跡可
按而知也而特是僚循世及之常光負王嗣之望當時
必各有其跡襄三十一年狐庸之對趙文子也而曰其
在今之嗣君乎又曰有吳國者必此君之子孫實終之
及昭二十年伍員之說州于而見阻於光亦曰彼將有
他志以一二羈旅之臣尙能知之而謂季子骨肉之閒
轉不之知必無是理然則季子者衛公子郢之儔公子郢知
崩蹟之必反而不欲以身與之而非曹子臧之類故光
爭如後日之輒故辭而不立將弑僚不以季子爲慮其言曰事若克季子雖至不吾
廢也及僚既弑而季子至不聞據大義以正之第曰苟
先君無廢祀民人無廢主社稷有奉國家不傾乃吾君

也較晏子之拒崔杼猶不若蓋其見之定於素者有然
是故以季子爲能讓國及責其因讓而致篡弑之釁者
皆爲季子所竊笑者也雖然身處嫌疑之際而前不見
疑于州于後復見諒於闔廬卒享大年爲句吳之傳人
其智識固有不可及者哉

春秋徐國考

邾婁考公之喪容居來弔而曰先君駒王西討濟于河
當卽指後漢東夷列傳率九夷以伐宗周之事但徐之
稱王史記趙世家及後漢東夷列傳皆以爲在周穆王
時而東夷列傳更以爲滅之者爲楚文王譙周因謂徐
偃王與楚文王同時去周穆王遠矣考楚武王十九年

入春秋莊公四年卒文王之立當在是年時當周莊王
七年文王於魯莊六年伐申十年敗蔡十四年又入蔡
中間滅息十六年伐鄭滅鄧俱見經傳若徐有稱王叛
周被楚滅事不應遺之則譙周所辨尙爲未盡且如兩
書所言偃王果率九夷以伐宗周見滅之後當如子頹
大叔子朝之夷滅何以社稷不隕後嗣猶見於春秋時
是徐之稱王容有之檀弓之文可據特未知何以名爲
駒王若叛周疑無其事又未知當周何世史記不載之
周本紀惟趙世家有之蓋與後漢所紀均無足據或卽
附會禮記而成者自列子有周穆王篇晉人遂依之爲
穆天子傳大率皆本於昭十二年右
史子革數言兩書所述
造父事皆揚其波者

許遷于夷杜註正誤

昭九年經許遷于夷注云許畏鄭欲遷故以自遷爲文
按此乃十八年許遷于白羽注特彼注欲作樂字必是
刻者誤置而改其字按葉在南陽去楚近楚足以庇之
若城父爲今之亳州雖去鄭爲遠而去楚亦遠許何所
恃本年傳遷方城外入于許下注云傳言靈王使人不
安明是楚自以拓地故遷方城入非遷許也十八年傳
詳載左尹所言反復于許鄭兩國之言此方是畏鄭而
遷許也

分野說

分野之名始見外傳泠州鳩之言而內傳第云參爲晉

星商主大火而已周官春官保章氏則謂之分星說者以十二次當之而十二次中趙與晉並列可知其說出於三家分晉之後然祇以之占國至史記乃云二十八舍主十二州是配分野以州必起於秦漢之世周官雖不名分野而日以星土辨九州之地不過九與十二之數殊其非周世之書可證大抵分野古有其傳觀子產申須裨竈泠州鳩諸人所言不爲無驗而自秦并天下以後封建非昔言分星者移而之州變本加厲如魏爲晉所分在戰國時雖改曰梁魏亦可謂之梁但惠王所都自在今之開封而漢之孝王移都睢陽應屬大火之分乃漢志景帝中元年三月彗星在觜觿梁也

引是時梁王欲爲漢嗣後漢按誅梁大臣梁王伏斧鉞謝罪事以釋之是移晉之分星於宋已是望文爲義又晉占實沈爲禹貢冀州之域而星經云畢觜參魏之分野益州夫漢之益州乃禹貢之梁州黑水華陽與魏奚涉是又以梁州之梁與魏遷於梁之梁混也史天官書亦云觜觿參益州其誤有不止於人云亦云者善乎鄭康成之注曰九州州中諸國之封域於星亦有分焉其書亡矣堪輿家雖有郡國所入度非古數也其論最爲得中不然周天三百六十度此據今法不用五度四分度之一零數中國之地卽以萬里計僅大地八十分之一所占乃僅在中國豈東漸西被朔南暨之外皆不上關象緯乎是固不

獨吳越在東南而星紀在東北魯衛東方諸侯遙屬戌亥云云為孔穎達所疑也至賈公彥所云古者以受封之日歲星所在之辰以為分次是從不得其說之中曲為之通亦非的論左傳是以歲星所在分其國妖祥如梛舍其次而旅於明年之次以害鳥帑周楚惡之及歲在顛頊之虛有妖星出於婺女神龜以為告邑姜是也至云闕伯主大火居商上相土因之居實沈於大夏主參並無始封時歲星所在之說唯泠州鳩歲在鶉火則我周之分野其說近之然武王伐商尚都雍州之分而東遷以後鶉火乃占在洛邑似亦微異

小宗伯註六十四氏氏誤作民解

小宗伯四類亦如之註鄭司農云四類三皇五帝九皇六十四民咸祀之按史記九皇氏沒六十四氏與六十四氏沒三皇氏與路史注謂太史公以攝提紀五十九

姓合五龍紀五姓為六十四氏是當為姓氏之氏今周禮各本作六十四民非疏引史記及宗人注誤同

大師小師瞽矇眡瞭下無府史胥徒辯

春官序官大師下大夫二人小師上士四人瞽矇上瞽四十人中瞽百人下瞽百有六十人眡瞭三百人疏云瞽矇三百人無府史胥徒者以其無目不須人使是以有眡瞭三百人而已又云大師小師瞽矇眡瞭四者皆別職又無府史而並言之者以其大師小史為長故連類言之據此則此官無府史胥徒審矣今本眡瞭三百人下乃有府四人史八人胥十有二人徒百有二十人十七字當是疏於考證者誤增之也



坊記陽侯說

坊記陽侯猶殺繆侯而竊其夫人故大饗廢夫人之禮
鄭注讀殺爲弑而云其國未聞按禮記各篇所引証者
率皆春秋時事則陽侯繆侯當亦然考春秋時因饗而
以其夫人歸者惟楚文王之於息侯左傳云楚子以食
入享傳文饗多作享息小國未知其君有諡與否然以息媯歸
則是竊其夫人矣但息媯之事傳聞異辭列女傳以爲
楚子虜息君使守門息夫人出見之賦穀則異室之詩
而自殺與左傳迥別安可執一說以論古事乎



問津處辯

太平寰宇記問津處乃有三焉一在河南道一開封長

垣縣下長垣又名蒲邑引家語云仲由爲蒲宰子路隨
夫子於此問津卽蒲邑之津也一陝州閩鄉縣閩鄉津
去縣三十里卽舊風陵關有蒲城子路爲孔子問津之
所一在山南東道其塘州北鄉縣下苦菜山在縣西北
三十五里卽黃城山也自葉至北鄉南北相毗連二百
里亦曰長城山卽長沮桀溺耦耕處下有東流水卽子
路問津之所夫子路問津論語僅一見不應有三旣名
寰宇記非若一州一縣之志可比奚不折中於一乎

鄒邾音之轉解

趙邠卿孟子題辭謂邾自孟子時改爲鄒按鄒爲邾音
之轉非名之改也邾之見於公羊檀弓皆曰邾婁蓋土

語如此如句吳於越之類古音有急讀緩讀之分婁與
鄒叶緩讀之則鄒爲邾婁急讀之則邾婁爲鄒在內傳
則披爲勃鞞穀爲句瀆外傳則胥爲勃蘇皆其類也且
考之字體邾半之朱小篆作與鄒之爲形之顛倒
亦相近是不必諧聲而邾亦可以爲鄒俱足以証改名
之說爲非至邾城在繹乃文十三年遷蔭所遷山本名
繹卽禹貢之嶧也後爲鄒山是亦因邾之遷得名春秋
有邾邑之邾其字又別作邾邾與鄒體近故亦作鄒
與邾之邾混其實孔子所居止當作邾至孟子所居乃
爲邾也然孟子第二篇下明言自齊
葬於魯則以孟子爲邾人亦可疑

集大成金聲玉振說

昔孔子自衛返魯然後樂正是周之中葉樂已殘闕失

次秦漢儒者多爲杳渺之論究不能得律呂尺寸之真
迨宋以後始知以工尺配宮商而鮮能於經傳會而通
焉無惑乎孟子金聲玉振云云徒遷就於朱注而無所
發明也竊以爲言樂者其先在明乎備樂者上下之等
差其制大率上可以兼下下不得以僭上大夫而下僅
有金石絲匏四音小胥所掌卿大夫判縣士特縣是已
然則士僅有石一音而已而得兼絲匏者按飲射二禮
有磬射筮入立於縣有笙二禮俱笙其升歌皆鼓瑟此
皆鄉大夫主之說者以爲詢眾庶賓賢能非爲已也故
降用士禮明士雖特磬而兼有瑟士無故不撤琴瑟是
儀禮者笙至大夫則更有金也若八音之備當自諸侯
言之



始燕與大射諸侯之禮也而燕有管下管大射有管乃

新宮有鼓建鼓在阼又王制王賜諸侯樂則以祝將之

賜伯子男樂則以鼗將之是諸侯得有竹木革之明證

按諸侯雖得有管而虞書云簫韶九成商頌云簫管備

舉皆天子祖廟所用或言管可以兼簫或簫至天子始

備而諸侯尙闕如大夫之金僅有編鐘而樂人宿縣有

笙鐘有鐻見於大射儀是特設之鐘至諸侯始有之也

惟土音於經傳無考以伯氏吹壎仲氏吹篪及如壎如

篪之詩觀之其與竹相應者歟大夫以下無竹是亦不

得有土也此上下之差也其次在明乎用樂者節奏之

先後樂之節有四始為升歌飲燕俱升歌鹿鳴大饗及

祭宗廟則歌清廟此天子宗廟之祭若大夫則當歌采

然歌清廟亦周時為然商則祀成湯高宗此為第一節

自有猗那烈祖等篇夏以前亦無聞也

升歌既畢鄉樂則笙入大饗則下管象武燕則下管新

宮此為第二節由是而閒歌大射閒豨首餘俱閒魚麗

歌不笙而虞書曰笙鏞以閒周官笙師凡祭祀共其笙

鐘之樂眡瞭凡樂事播鼗擊頌磬笙磬是閒歌有笙有

鐘磬有鼗較鄉國之樂於器差備大凡此三節以前堂

上堂下之樂不相淆亂陳氏櫟所謂奏石絲以詠誦之

時此據虞書琴瑟則堂下之樂不作奏匏竹等眾樂之

時則堂上之樂不作是也由是而合樂先儒合樂之說

有二一則堂上堂下歌瑟及笙並作儀禮之合樂三終

鄉飲鄉射同惟燕禮無合字說者謂孔子云關雎之亂

實與眾音並作至大射則無合樂洋洋乎盈耳是也一則徧作六代之樂大司樂大合樂

洋洋乎盈耳是也一則徧作六代之樂大司樂大合樂



以致鬼神而注大合樂者謂徧作六代之樂樂記曰大
章章之也咸池備矣韶繼也夏大也殷周之樂盡矣是
也此皆孟子所謂始終條理之事明乎此而後無謝氏
八音並奏之失二者既明而後可言聲振世言樂之作
止率以祝敵當之考之書先言下管鼗鼓而後言合止
祝敵則祝敵者堂下之器也書傳上下合止樂各有
祝敵之說蔡氏不從樂
之作也必先於堂上未有先擊堂下之器以作之之理
蓋祝乃合樂之時所用故曰合止祝敵不用之琴瑟未
作之先也爾雅所以鼓祝謂之止豈有作之而反謂其
器爲止者哉而堂上得有鐘者孔穎達曰按郊特牲云
歌者在上貴人聲也左傳云歌鐘二肆襄十
一年則堂上有

鐘明矣又論語始作鄭注謂金奏也又仲尼燕居言大
饗有九云兩君相見入門而縣興下云入門而金作示
情也升歌清廟示德也則知縣興指金作而金作卽繼
以升歌是升歌之前有金此足爲金聲之據鐘師以鐘
鼓奏九夏
左傳金奏肆夏之三此皆
金之一節不可以聲論若書夏擊鳴球傳球玉
磬也在搏
拊琴瑟之先則是玉非振也惟商頌執鼓淵淵嘒嘒管
聲依我磬聲箋磬玉
磬也考有警之詩簫管備舉在既備乃
奏之後而簫管依於磬聲則是樂之將終也其卽玉振
之謂歟何以不同於虞書豈樂至商周而大備閒有移
其節奏者乎若朱子一音自爲始終而爲一小成集眾
音之小成而爲一大成之說不無可商徧考經傳終與

成有別終指音而言大射之乃管新宮三終是也經文終字
惟此餘所謂歌笙閒三此第一節之終必至合樂乃可
終者皆注家撮言之謂之成然經第言工告樂備而已曰成曰變皆兼舞在
內眾仲曰舞所以節八音而行八風大司樂分樂之祭
皆先奏次歌終之以舞祭統明堂位舞大武大夏皆在
下管之後蓋樂自升歌以至笙閒各音先後自有節次
不相凌越惟至合樂而八音乃備故舞以節之樂師職
所云凡樂成則告備詔來瞽臯舞者也樂至此聲容皆
備故謂之成論語繫成於純嘏釋之後明是成中別有
層次故曰以成非純嘏釋即成也且成可以數計大武
由再成以至六成不言一成以武之始書之簫韶九成
而北出爲一成也

是也不聞以大小言然集大成當如周官大合樂之
說其大成之目猶之大磬大夏大濩大武云爾非對小
言也至金則經傳皆兼指鐘鎛鐘師掌金奏注謂鐘及
鎛鎛師掌金奏之鼓疏金即鐘鎛大射儀樂人宿縣於阼階東笙磬西面其
南笙鐘其南鎛西階之西頌磬東面其南鐘其南鎛而
朱子謂先擊鎛鐘以宣其聲其文似有鎛無鐘若兼言
注疏之例豈以伶州鳩有鎛無鐘之言而然歟按其言
云大鈞有鎛無鐘甚大無鐘昭其細也所謂大鈞注鈞
長七尺有細鈞注大謂呂商自是樂之節奏大鈞非即
弦繫之細鈞細謂角徵羽大成若大合樂則五聲皆備豈徒奏宮商而用鎛哉後
儒徒據韋杜之注辨鄭如鐘而大郭大鐘亦名鎛之誤
而金聲之究當用鐘用鎛多未之及故附論之

椶爲椶字之誤解

爾雅釋木椶柜柳說文木部無椶字而柳椶柜木也渠容切據此則椶爲椶之誤陸德明釋文椶音袁又于眷切恐係望文爲音

今本柳半誤从印亦非說文柳馬柱吾浪切非木名

先鼃字攷

釋魚鼃鼃蟾諸釋文鼃起據反鼃音秋按鼃鼃當爲先鼃說文先鼃詹諸也鼃七宿切亦作鼃說文玉篇鼃部俱無从去之字唯廣韻有鼃字然不足爲據鼃既爲鼃之別體斷非鼃字之譌

說文鼃式支切詩曰得此鼃鼃

蓋隸書先字與去相近故譌先作去而成鼃字陸氏望文爲音誤矣

玉篇

鼃有七由七狄二音是鼃雖有秋音而鼃字之誤則自陸氏始今釋文本鼃半又誤从

齒 先力竹反在說文巾部

雁鴈辨

釋鳥舒鴈鵝注出如舒鴈今本鴈皆作雁疏同說文鴈鵝也从鳥人厂聲臣鉉等曰當从雁省聲雁鳥也讀若鴈臣鉉等曰雁知時鳥大夫以爲摯昏禮用之故从人是從鳥者爲鵝與雁不同自玉篇大曰鴻小曰鴈及引月令與白虎通無不以鴈爲雁矣

此與左氏疆場之場作平聲與詩場圖之場混同而近人作場更於半易上添尸尤非

鼯鼠注正誤

釋獸鼯鼠注見廣雅依疏所述當有鼯音雀三字但今各本注呼爲鼯鼠鼯字誤作鼯而疏中鼯音雀三字復



誤作颺音瞿與注後所載之音颺音瞿字異義同又云
今本作颺誤也及證之釋文乃有云瞿音劬而檢注中
實無瞿字諸誤歧出然釋文明云颺郭音雀將畧反字
林音灼云颺鼠出胡地郭注本雀字或誤爲瞿字沈旋
因云郭以爲颺鼠音求于反非也按此則當爲颺音雀
而呼爲颺鼠之颺非颺與颺明矣蓋釋文瞿音劬三字
正所以證明雀字如云若爲瞿字則音劬矣故疏亦云
今本作颺誤也非細從釋文會之鮮不爲今本誤者

颺鼠辯音

颺鼠今本音南見反按釋文於上颺鼠身長須而賊下
釋畜犊牛及此颺鼠俱音古闕反而郭於此節又注云

音巫覡陸申之曰郭音覡戶狄反又覡何狄反此節之
音不一而足則颺字無由爲南見反審矣揆其致誤有
二一卽本節郭注音巫覡三字巫字似南覡半有見也
一鄭樵注此節之音作古覓反今本下犊牛亦有此反
當是殘闕本以覓之上半益上古字下一字祇餘見字
遂爲南見反幸下存犊牛之音猶可證也近來各經漢
闕等字俱不从目从犬而直作貝所从旣非音更無從
別矣

質疑刪存卷上終

質疑刪存卷上

三



Blank area with vertical lines, likely a placeholder for text or a diagram.

質疑刪存卷中


聚學軒叢書第一集

甘泉張宗泰

貴池劉世衍校刊

封禪書齊桓涉流沙辯

封禪書述齊桓公曰寡人北伐山戎過孤竹西伐大夏
 涉流沙束馬懸車上卑耳之山南伐至召陵登熊耳以
 望江漢齊世家同管子封禪篇闕今本按大夏有二一
 即太原在春秋時為晉地若流沙則在禹貢雍州域外
 即伐晉亦不得越境而涉之况僖九年會于葵丘宰孔
 曰齊侯不務德而勤遠畧故北伐山戎南伐楚西為此
 會也東略之不知西則否矣杜預釋例宋地陳留外黃
 縣東有葵丘是宰孔所謂西者尚在今河南歸德府境



春秋大事表考城縣則桓公征伐會盟所及俱未至晉
下宋葵丘在縣治東故獻公聞宰孔之言而歸惟是年冬齊侯以里克殺奚齊卓子討晉亂及高梁而還
杜注高梁晉地在平陽縣西南平陽今山西平陽府臨汾縣也是時晉都絳遠在晉陽之東南而况流
沙一卽史大宛列傳月氏所繫而臣之者其地在今西域之西而流沙自古以居延澤當之在今甘肅之北一
西一北雖在域外而道亦歧出且大夏之名至張騫使
月氏方知其地而卑耳之山史記索隱云在河東大陽
大陽今山西蒲州府平陸縣西北去流沙數千里不待
涉之始至大抵一時夸大之詞不可爲據又或出後世
附會不定桓公當日實有此語今按齊語未一戰帥服
三十一國以下云云多與史文相類疑史卽本此而其

中亦有西服不沙西吳句西吳卽虞也釋例河東大陽
縣東北吳城是是仍卽今平陸縣地河渠書於是天子已用事萬里沙正
義引括地志云萬里沙在華州接縣東北二十里也然
此亦誤孝武帝本紀天子既出無名乃禱萬里沙應劭
曰萬里沙神祠也在東萊曲城孟康曰沙徑三百餘里
紀文此下接過祠泰山遂至瓠子而河渠書云發卒數
萬人塞瓠子決于天子已用事萬里沙則二萬里沙
實一地禱萬里沙乃過泰山則其沙在東萊可知卽使
如括地志所云其沙亦在冀河之西與卑耳山西吳地
理先後不合太史公不加考證而收之亦好奇之過也
唯漢書郊祀志西伐東馬縣車上卑耳之山無大夏涉
流沙五字班書較遷史爲謹嚴

秦始皇南渡淮水之衡山乃天柱山考

秦始皇帝本紀於過彭城下云乃西南渡淮水之衡山
正義引括地志衡山一名响嶺山在衡州湘潭縣西四



十一里是始皇所之之衡山即今南嶽衡山矣按二十八年始皇帝東行上太山並渤海以東窮成山登之罘南登瑯邪遣徐市入海求仙人還過彭城西南渡淮之衡山南郡浮江至湘山祠自南郡由武關歸證之封禪書上巡南郡至江陵而東登禮濤之天柱山號曰南嶽浮江自尋陽出樅陽過彭蠡北至瑯邪並海上一是由海上而歸先渡淮而之衡山之南郡一是自京師而出先至南郡江陵次登禮天柱而後至瑯邪以兩文參校則本紀之衡山即封禪書之天柱不得爲衡州之衡山可知或秦時已以天柱爲南嶽故遂被以衡山之名不待漢孝武始移其祀也正義不得其說亦知衡山當次

之浮江下而以欲至衡山釋之太史公以漢人言秦漢之事其次序如此當必無誤依文讀之自可得其實不必曲爲之解

漢孝景前四年中四年兩日食辯

太初未正厯以前班書每冠年以冬十月而孝景前四年中四年兩十月日食紀皆書於年末劉攽以爲記事之誤今按孝景前三年二月壬午紀作壬子今按五行志作壬午是從之詳考日晦日有食之則四年十月庚戌朔戊戌乃三年九月十九日中三年九月戊戌晦日有食之紀志三年九月戊戌晦則四年十月己亥朔矣戊午在十月二十日紀雖未言後一食晦朔焉有日食月之二十日者乎一

則月無是日一則月有是日而不當食期况五行志本無此二食疑前四年之十月戊戌晦即中三年之九年戊戌晦而誤以九月本在年終而下即接四年此必殘闕本三年四年無前中字可憑故誤補於年末而中四年之十月戊午又不知因何而誤斷非班氏本文然劉氏得考其誤書是宋本即如此但不能考干支之不符則所見猶疏通鑑孝景前四年中四年俱載此兩食而長麻雖未能該括列國而為功於魯之方策者不少

辯兩戒之誤

井西一星史記天官書作鉞漢志作戊近來考證家定為戊以戊即鉞之本字也然二書之敘南北兩河其義

似別史記東井為水事其西曲星曰鉞鉞北北河南南河是兩河夾鉞也漢志之敘井鬼七宿也曰東井西曲星曰戊諸本俱誤作戊今據考證家改定北北河南南河不重言戊上北南二字似指井言按史記北北河上鉞字當是衍文以鉞在井西而北南兩河則在井東鉞與北河東西平列不相夾且兩河所夾者河亦不夾井漢志雖無戊字於星之部位尙未合南北兩河亦為戊戊與戊似此近本漢志誤作戊可證之漢志元封中有星孛于河戊近本漢志戊作戊可證上曰戊之當為戊占曰南戊越門北戊胡門是也而史記正義不知自何時誤戊為戒云南河三星北河三星分夾東井按此更北北河上鉞南北置而為戒一曰陽門亦曰越門北河字之為衍文

北戒

據此則上一日陽門上一日陰門亦為胡門兩戒當脫南河南戒四字

間三光之常道也一行不知漢志有明文而沿史記注

誤字遂以兩戒為定名不知若分南北言亦當作界固

不得作戒也戊戌戒史漢無善本因形相近而所誤

歧出苟不合而證之未有得其一者

按戊與戌自不相關并西近參

參之下有罰字亦作伐井之西有鉞以類從也漢志之

戊斷是戌之誤不得因下有戊而據戌為戌之形似也

歲首之月辯

漢紀書冬十月於歲首顏師古太初元年五月正厯以

正月為歲首注未正厯以前謂建亥之月為正此以正

月為歲首者史追正其月名顏意似以各年首冬十月

為追正也書時例始春秋周以建子之月為春為正宋

人誤會伊訓十有二月之文轉援漢書之冬十月為證

誤矣

元朔二年二月乙巳晦考

孝武紀元朔二年三月乙亥晦日有食之

通鑑亦作三月乙亥晦

五行志作二月乙巳晦夫二月乙巳晦則三月乙亥晦

矣紀志各書其月以為日有食之而干支又各符其月

未知當何所從今按五行志於乙巳晦日有食之下云

在胃二度胃固春分日所在之宿也律厯志云婁四度

春分終於胃六度志又云元朔六年十一月甲申朔旦

冬至逆推至元朔二年當十一月十七日冬至

次年十一月二十

十九日冬至至年未有後九月四年十一月初十日冬至

五年十一月二十日冬至至年未又後九月六年恰十一

質疑刪字卷中

五

月初一 二月十八日春分律厯志婁十二度胃十四度
日冬至 二月十八日春分律厯志婁十二度胃十四度
十八日春分日在婁四度每日行一度則二月晦距春
分十二日日正在胃三度日在胃三度食是為二月晦
無疑矣既為二月晦則乙己是而乙亥非不知紀因何
並月而誤之然若非志有所食度分將何以折中得其
實乎

漢時未立今太平府屬之當塗考

滕撫傳建康元年陰陵人徐鳳馬勉等復寇郡縣是年九江
范容周生等前已鳳稱無上將軍勉稱皇帝按皇當依
反亂屯據歷陽鳳稱無上將軍勉稱皇帝質帝本紀
作黃時歷陽賊華孟自稱黑帝此固一時各相署置之
詞因攻皇甫嵩傳鉅鹿張角譌言蒼天已死黃天當立
皆著黃巾為標幟又桓帝本紀建和二年長平陳景自
號黃帝子以黃代漢蓋當時之讖故馬勉亦稱黃帝

築營於當塗山中注當塗縣之山也今在宣州按此注
非漢時未有今太平府屬之當塗此當塗唐屬宣州晉成帝時
以江北之當塗縣流人過江在于湖者晉太康二年分丹陽置于湖縣
僑立當塗縣夫云江北云過江則當塗本在江北據傳
勉鳳皆陰陵人勉稱黃帝建年號置百官遣別帥黃虎
攻沒合肥又質帝本紀九江賊徐鳳等攻殺曲陽東城
長撫本傳三公舉撫有文武才拜為九江都尉與中郎
將趙序助馮錕討之擊斬馬勉范容周生等徐鳳遂將
餘眾攻燒東城縣下邳人謝安擊鳳斬之按陰陵東城
曲陽皆在今定遠縣境合肥今屬廬州歷陽今和州是
鳳勉等所歷皆未過江郡國志九江郡下云當塗有馬

丘聚徐鳳反于此馬丘聚想唐初已無可考然因所反在九江郡境故撫爲九江都尉以討之若唐時宣州之當塗在漢時尙爲丹陽不隸九江何爲所戰之地皆在江北而所營乃在江南雖漢之當塗在唐久省入鍾離勉等所營雖未必卽是塗山而今鳳陽臨淮今省入鳳陽定遠兩縣之交多大山縣亘此注當云故當塗縣之山今在濠州方是又荀淑傳遷當塗長注亦誤云當塗縣故城在今宣州倘不之正恐有援此注以入今當塗縣志者又按質帝本紀撫斬馬勉等在建康元年三月而四月又有丹陽賊陸宮等圍城燒亭寺丹陽太守江漢擊斬之是其時今之當塗別有賊爲太守所討不得一地而兩人據之

王莽傳辯誤

王莽傳莽奏云皇帝卽位三年哀帝元始三年長秋宮未建請正十二女之義以廣繼嗣有司奏故事聘皇后黃金二萬斤爲錢二萬萬莽深辭讓受四千萬而以其三千三百萬予十一媵家夫四千萬及三千三百萬僅共七千三百萬以二萬萬計之尙少一萬二千七百萬傳未敘及又十一媵家共三千三百萬是一媵家得三百萬較莽所受僅十三分之一而羣臣乃復言今皇后受聘踰羣妾無幾豈三百萬可與四千萬相等乎又下云有詔復益二千三百萬合爲三千萬前莽所受已四千萬何益以二千三百萬合計其數轉少於前唯下四年莽女立爲后加聘后三千七百萬云合爲一萬萬四千萬之



後已益二千三百萬此又加三千七百萬恰合一萬萬之數則是前四千萬之數不誤而合爲三千萬及三千三百萬字其中必有誤字固不待辨而知之矣

巨毋霸攷

夙夜連率韓博上言有奇士長丈大十圍自謂巨毋霸出於蓬萊東南五城西北昭如海濱輶車不能載三馬不能勝臥則枕鼓以鐵箸食願遣大將一人虎賁三百迎之於道京師門戶不容者開高大之以視百蠻博意欲以諷莽莽聞惡之留霸在所新豐徵博上下獄以非所宜言棄市明年改元地皇是霸之出當天鳳五年且未見用而言之者抵罪也至地皇四年四月世祖與王

常等別攻潁川莽聞遣大司空王邑馳傳之雒陽與司徒王尋發眾郡兵百萬號曰虎牙武威兵徵諸明兵法六十三家術者多賚珍寶猛獸用怖山東邑至雒陽州郡各選精兵定會者四十二萬人車甲士馬之盛自古出師未嘗有也而後書光武本紀乃云時有長人巨毋霸長一丈大十圍以爲壘尉又云驅虎豹犀象之屬以明威武自秦漢出師之盛未嘗有也當是依傍前書王莽傳成文而昆陽之戰祇有明兵法術者六十三家有無巨毋霸與戰則未可知唯下文云會天大雷風屋瓦皆飛雨下如注滢川水溢虎豹皆股慄與莽傳漢兵乘勝殺尋昆陽中兵出並戰邑走軍亂天風蜚瓦雨如注

水虎豹股慄同然莽傳所云如注水乃指雨而言光武紀則兩注水溢爲二亦微有出入未知誰得其實疑班書出於漢世較范氏以晉人追敘漢事爲確

漢客星犯御座考

桓帝時太史令上言客星經帝座見爰延傳續志亦載延熹四年五月客星在營室云云而光武時之客星犯御坐僅見嚴光傳及爰延傳所引未知是在何年續志地皇四年下卽接光武九年中光武字下注引古今注補亦闕六年前注末按嚴光傳補一條無年按嚴光傳光武卽位帝思其賢乃令以物色訪之後齊國上言有一男子披羊裘釣澤中帝疑其光乃備安車元纁遣使聘之三反後至舍於北軍引光入論道舊故相對

累日因共偃臥光以足加帝腹明日太史奏客星犯御坐甚急帝笑曰朕故人嚴子陵共臥耳除爲諫議大夫不屈乃耕於富春山建武十七年復徵不至據傳言光武卽位訪之後齊國上言則嚴光非以元年至而志起九年以後唯三十一年十月有客星凡見一百一十三日然其年在復徵不至之後因考本傳云司徒侯霸與光素舊遣使奉書又考侯霸傳建武四年拜尙書明年代伏湛爲大司徒十二年薨是霸爲司徒在建武五年而志起九年據此則聘光當在五年以後然亦必在九年前故客星之犯志不之載且續志本司馬彪之書後人取以補蔚宗之闕者本非成自一人宜其不相應云

蔡邕非無嗣考

文姬無足傳獨老瞞念舊之意可感然伯喈之女不獨
文姬也晉書后妃傳景獻羊皇后母陳留蔡氏漢中郎
將蔡邕之女且邕實有子羊祐傳祐討吳賊有功將進
爵王乞以贈舅子蔡襲祐即景獻后之兄既云舅子則
亦景獻后之外弟也惜襲之父史無其名耳而後漢列
女傳云曹操素與邕善痛其無嗣尙未確若皇甫規妻
陰瑜妻之列而參以先衛後董中在胡十數年之人當
亦羞與爲伍乎

周舉傳辯誤

周舉傳延熹四年辟司徒李郃府按延熹乃桓帝第五

改元舉卒於建和三年是舉卒於桓帝初元之三年先
於延熹四年十二年據李郃傳元初四年代袁敞爲司
空在位四年坐請託事免安帝崩北鄉侯立復爲司徒
則李郃爲司徒在延光四年舉傳熹字乃光字之誤

東城前漢屬九江後漢初屬臨淮後屬下邳考

東城後漢屬下邳國魯肅傳作臨淮東城人當是據未
改屬時通稱之今郡國志東城下脫故屬九江四字是
東城在漢本屬九江後漢初屬臨淮後屬下邳俱爲縣
魯肅傳亦云袁術聞其名就署東城長然則東城僅有
長而已何由得有太守如呂布傳未注所引先賢行狀
陳登遷爲東城太守者也

今魏書第七以呂布張邈臧
洪傳標題而目錄附陳登於

張邈下按呂布傳先後俱敘布事中夾張邈數行又雜敘陳登父子事以登終之卷末評語平論呂布陳登臧洪三人而邈不與焉可知張邈陳登俱附呂布傳非陳登附張邈也况登與張邈無涉附之無理標題目錄沿誤宜曰呂布臧洪傳張邈二大字先賢行狀東下或有改與陳登俱注呂布之下方是

也呂布傳未載其年三十九而卒未詳在廣陵若干年江表傳載陳登為廣陵太守治射陽乃今淮安府境今所傳陳公塘愛敬陂等蹟當是為典農校尉時之遺先賢行狀所云巡土田之宜盡鑿溉之利者也今即傳未注所引先賢行狀考之行狀稱登年二十五舉孝廉除東陽長州牧陶謙表為典農校尉考陶謙傳天子都長安遣使閒行致貢獻遷安東將軍徐州牧登之表為典農校尉謙已稱牧當在初平元二年間又呂布傳布令陳登奉章謝恩太祖

拜登廣陵太守事在擒布前一年當為建安二年太祖紀建安三年擒布自初平元年至建安二年凡八年登舉孝廉又在初平元年以前由年二十五推之則登為廣陵太守非年三十四即三十三年三十九而卒使即以去廣陵之年卒則在廣陵不過五六年之間耳惜乎在任之久也登之卒在建安八年華佗傳鄧哀王傳亦可證華佗傳佗脈廣陵太守陳登病日後三期當發依期果發動時佗不在而死夫曰佗不在非謂佗已死也佗之死本傳無其年鄧哀王傳建安十三年疾病太祖親為請命及亡哀甚又佗傳後愛子倉舒病太祖曰吾悔殺華佗是佗之死在建安十三年前佗尚未死登已前卒是登之卒在建安十年前

蜀仍漢用四分曆考

吳未改用乾象曆以前自用魏之正朔迨黃武二年後

自不然矣先主以丕之篡竊卽尊位以紹漢統必無用
魏正朔之理故晉志以爲蜀仍漢用四分麻於時三國
鼎峙正朔不相爲用承祚惟於魏之日月詳載於紀雖
所書日食較晉宋兩志少其九又正始四年以後日食
第具晦朔而無干支而較二國爲密矣至蜀則較吳尤
疏後王傳評云國不置史記注無官諸葛亮雖達於爲
政凡此之類猶未周焉據此則當時無所存後世何所
考然彼此互證有得其間於文之中者焉一蜀書先主
傳章武三年夏四月癸巳先主殂於永安宮丞相亮上
言於後主曰伏惟大行皇帝今月二十四日奄忽升遐
然則四月癸巳卽二十四日也今按魏紀黃初三年十

一月庚申晦日有食之十一月庚申晦則十二月辛酉
朔越四月卽黃初四年四月得己未朔二十四日乃壬
午而二十五日爲癸未而非癸巳置朔雖有不同未有
前十日者癸巳必爲癸未之誤而蜀之二十四日實魏
之二十五日是四分有時先景初一日矣又吳書諸葛
恪傳恪與弟公安督融書曰今月十六日乙未大行皇
帝委棄萬國吳太元四年四月改元神鳳卽魏嘉平四
年四月吳主權傳嗣主亮傳俱云四月權薨則恪所云
今月十六日卽四月十六日也然四月在魏當辛未朔
乙未在二十五日或諸葛恪傳十上脫二字魏文帝紀注鄆城侯
植誅日惟黃初七年五月七日按文帝崩於五月丁巳
是月辛丑朔丁巳乃十七日所引植誅七上脫十字亦

十一上脫二二十五二十六亦相差一日據亮傳下有十字之類
二月朔丙申則四月庚午朔而乙未二十六日無疑景初又有時較乾象先一日矣儻當時二國記注有明文當必仍有可考者然得此已可慰一嚮之嗜又奚必如賣菜者之求益

關壯繆八字辯

先主與二人寢則同牀恩若兄弟此關壯繆本傳文也而張桓侯傳亦云少與關羽俱事先主羽年長數歲飛兄事之此後世附會之說所由來也但蜀臣卒年載於書者較吳魏爲少而年之大者唯來敏九十七餘若龐士元三十七法孝直四十六諸葛忠武侯五十六馬良

三十六馬謖三十九五臣傳中馬孟起四十七大抵年多不永先主殂年六十三關張之年自必次之然無考證唯據壯繆本傳云先主於鄉里合徒眾而羽與張飛爲之禦侮先主傳云靈帝末黃巾起州郡各舉義兵先主率其屬從校尉鄒靖討賊按黃巾起於靈帝中平元年甲子先主殂於章武三年癸卯年六十三則生於桓帝延熹四年辛丑起兵時先主當年二十四閻百詩據通鑑目錄靈帝光和元年戊午四月辛亥朔是年二月有食之二月辛亥朔則四月宜庚戌朔然本年下有十月丙子晦二年閏正四月甲戌朔四年九月庚寅朔三食元年必二三初八日戊午辨世俗所傳壯繆八字四月連大方合
戊午之非然不但是年戊午月無戊午日由光和元年

戊午至中平元年甲子方七年安見未逮毀齒卽能爲人禦侮者况桓侯之年更少耶是卽使日有戊午亦與年不符此固不獨見獲於吳之年僅得四十二爲可疑矣唯靈帝建甯元年五月丁未朔日有食之續志本紀同是年戊申五月亦得戊午由丁未朔數之戊午雖不當十三日然在前一日倘壯繆以是日生則世俗所傳尙不大遠且又在戊午前十年後先主之生僅七年似爲可據因想孔子之生有二傳之庚子明據尙有十月十一月之差而史記與二傳又有襄二十一年二十年之異而况史本有闕欲以憑虛者會之此尤不可得之數茲因日有相近故附存之爲考證家別張一軍若以

爲確則未敢信蜀吳二書誤亦錄下方以俟考先主傳建安二十四年大破淵軍斬淵郤卽字衍諸葛亮傳注引獻帝春秋皓從揚州太守劉繇求兵太守當作刺史引魏畧聞元直龐士元財如此龐士元當作石廣元孫破虜傳三十六萬一時俱發萬當作方張昭傳至平州都督平乃半之誤韓當傳共攻蜀軍於涿鄉涿乃津之誤丁奉傳三年奉貴而有功年下當有卒字朱然傳陸遜亦卒卒誤作本虞翻傳注引會稽典錄敘徐陵子平事平兩婦歸宗婦乃姊之誤陸瑁傳九域繫互之時互誤作牙陸遜傳權使鄱陽太史孫魴孫乃周之誤

蠅磯辯疑

蜀先主卽漢中王位立吳壹妹以爲后其傳曰先主既定益州孫夫人還吳夫第日還吳則無故之稱也先主在日婚媾而仇讐宜其若無此事而後主旣立兩國和好當夏侯霸之來歸也據魏書夏侯淵傳注引魏畧後



主尙指其子以爲夏侯氏之甥而在禮繼母如母既尊
吳后爲皇太后則孫權所進之妹亦後主之繼母也何
以聘使往來蜀固不聞存問吳亦不一言及之或者通
好時夫人已卒亦未可知然卒於何年何所非可臆斷
今蕪湖瀕江有靈澤夫人廟土人以孫夫人當之夫孫
權旣由京口遷建業夫人歸吳自必依其兄其蹟何以
轉在蕪湖按廟去所謂蠓磯不遠此或水神之廟而磯
與姬音近遂以女子之稱當之以無可考之人乃赫然
相與祀之亦其地之佳話正不必務闢其非類儅父之
煞風景也然心終疑之

辯陳壽父被髡之妄

陳壽傳載謂丁儀丁廙之子覓斛米不與不爲立傳
又父爲馬謖參軍被髡爲亮傳謂將畧非所長云云按
魏書王粲傳末敘建安七子而云沛國丁儀丁廙亦有
文采不在七人之列夫七子及楊修等俱與二丁附粲
傳豈皆索米不與者况云亦有文采雖佳傳亦不過爾
爾而壽上諸葛亮集言亮於治戎爲長奇謀爲短優於
將畧而所與對敵或值人傑加眾寡不侔攻守異體故
雖連年動眾未能有克又云亮之器能政理抑亦蕭管
之亞匹也而時之名將無城父韓信故使功業陵遲大
義不及邪蓋天命有歸不可以智力爭也味其詞意正
與壽傳所云將畧非所長相反且匹之蕭管反復於未

能有克之有由其推崇不可謂不至未見其欲釋憾於
亮至壽父被髡事他無所徵有無不可知唯向朗傳稱
朗素與馬謖善謖逃亡朗知情不舉亮恨之免官當或
以朗事傳之壽父然免官亦與髡異或說之無本如此
唐修晉史乃收之豈未參之三國志乎奇謀為短當指
魏延子午谷事

辯陳壽三國志以帝制予魏之隱

承祚於三國中以帝制予魏頗為後來口實今按之亦
不盡然魏紀於丕之受禪僅書漢帝丙午禪位一册蜀
書則當昭烈帝之進位漢中王也洎建安二十六年建
安

無二十六年此據
先主傳告天所稱

之即皇帝位凡前後上書者八百餘

人之書俱一一載於篇至丙午告天一詞亦大書之若
吳書於權之正尊位不過曰百官公卿皆勸而已或詳
或畧於中隱示軒輊可知當時於魏第因晉承其統而
崇之耳不可不拈出以表其心

古無帽字說

魏書楊阜傳阜常見明帝着褶被縹綾半袂袖按袖即
袂之重文據晉五行志褶作帽上有繡字被作披綾作
純疑楊阜傳是上脫繡字而繡袖音相近遂誤補袖字
又錯在袂下按晉志改褶之半从巾亦非漢魏時尚未
有帽之名管甯白帽不見本傳至
晉孟嘉始有落帽事字書無褶字而有褶
字音昌披衣不帶衣不着帶亦非法服阜云此於禮何

法服也當不單指半衰言之是字當從昌楊阜傳已誤而晉志又誤也衰袖重文前人有正之者而褶之誤為褶帽或轉以晉志為是而忽之按魏書字誤者摘存一五年太祖軍擊破呂布軍於摩陂呂布當作關羽司馬朗傳注不自申釋也而使曰而誤在也上崔林傳注引名臣奏安定太守孟達安定當作新城惟王凌傳又將尚書廣東使為書喻凌廣東二字費解按高貴鄉公紀甘露二年六月甲子詔昔相國大司馬征討皆與尚書俱行當即指此是廣東二字為俱行之誤然字體不類未得致誤之由

郭嘉傳考證

魏郭嘉傳注引傅子年二十七辟司徒府而傳云年二十八自柳城還疾篤太祖問疾者交錯及薨乃表曰軍祭酒郭嘉自從征伐十有一年由薨年二十八逆溯前

十一年初應辟時當年十七矣注所引似衍二字然年二十八而薨時年未滿三十乃傳末注又引傅子太祖與荀彧書曰郭奉孝年不滿四十相與周旋十一年據此則前引傅子年二十七不誤傳之二十八當為三十入也太祖崩於建安二十五年年六十六北征三郡烏桓在建安十二年太祖年當五十三而奉孝卒於是年年三十八是小太祖十五年故謂又傳云表為司空軍祭酒傅子所云辟司徒府徒當作空

魏少帝奐紀辯誤

魏咸熙元年即景元五年少帝奐紀景元四年末於復除租賦之半下以五年提行至皇太后崩方接咸熙元年春正月既以咸熙元年冠下一年則上不應有五年



字况據所書乙卯乃即四年十二月二十四日四年十二月壬辰

朔而鄧艾以四年冬平蜀於次年春見收中間未嘗隔

一年細繹文之上下當作復除租賦五年乙卯是承上

壬子癸丑連敘壬子十二月二十一日緣租賦二字在上

行末五年二字在下行首校者不計咸熙元年仍自正

月起以改元在五月以為以前尚當為五年五年字又

恰似提行且租賦無承復之理遂臆增之半二字以足

上文便五年另起而不知誤滋甚矣特為正之庶幾漆

室一燈

辯牛繼馬之妄

以夏侯妃通小吏牛氏而生元帝固誣而以什翼犍當

牛繼馬之讖亦未然什翼犍建國於晉成帝咸康四年

其後晉猶有康帝至恭帝八君八十餘年而始失國且

繼晉後者自宋而歷齊梁陳中惟道武當宋世南伐至

瓜步而即還後國分為二禪於高及宇文與江以南無

涉不得以為繼馬也考三國魏明帝紀注引魏氏春秋

所載刪丹川涌寶石此石至晉未猶存沮渠蒙遜襲卑

寺寺中有元石神圖令其中書侍郎張穆賦馬見載記當即此石

圖狀犧牛在北馬自

中布列四面又引晉泰始三年張掖太守焦勝上言按

其文其一有若馬形而不成所謂若馬形者當即指牛

而言但其字一則曰金但取之魏氏春秋一則曰金當取之

即焦勝所上言與晉紀所載有詳畧當宣帝之鳩牛金當不徒以其姓之



見於圖竊以爲此讖當應在劉裕劉字從金所謂金但
取之金當取之也又世語云其後有一鷄象晉以庚申
年禪宋永初二年卽辛酉亦所以著宋興之年耳然則
圖之出斷指宋之繼晉而言


孟嘉落帽龍山不在姑孰考

太平寰宇記當塗縣下龍山在縣南一十二里昔桓温
嘗以九月九日與僚佐登此考孟嘉傳後爲征西桓温
參軍九月九日温燕龍山時佐吏並著戎服有風至吹
嘉帽墮落嘉不之覺云云是温之燕龍山在爲征西將
軍時以晉帝紀及温傳考之温始以都督江荆司梁雍
益甯七州都軍事江州刺史征西將軍庾翼卒温以安

西將軍都督荆司梁雍益甯六州諸軍事荆州刺史繼
之伐蜀歸還江陵進位征西大將軍云還江陵是自爲
安西將軍時卽在江陵後還江陵又加征西號荆江在
建業西都督此數州將軍征安皆有西字桓温繼庾翼
不兼江州故以荆州刺史駐江陵迨永和十二年代姚
襄猶自江陵行温自穆帝永和元年伐庾翼二年加至
征西是加征西仍在江陵者十年至
升平五年始移鎮宛宛亦荆州刺史治哀帝興甯二年
城赭圻居之遙領揚州牧遂於海西公太和四年領平
北將軍徐兗二州刺史故其卒亦書平北將軍徐兗二
州刺史太抵在赭圻遙領揚州牧卽罷征西號矣自是
而居廣陵太和四年屯白石太和六年簡文帝咸安元年十一月

方鎮姑孰於孝武帝甯康元年七月薨是在姑孰值九
 月九日僅屬咸安二年耳而嘉之落帽傳明云為征西
 參軍大抵龍山非在江陵溫為征西在江陵十五年即在宛在宛二年豈
 得在姑孰乎

質疑刪存卷中終



CL.


NO. 34746

聚學軒叢書
大正
山井
...



国立国会図書館 タイトル『聚學軒叢書』 請求記号 082.1-Sy996

ガラス使用



国立国会図書館 タイトル『聚學軒叢書』 請求記号 082.1-Sy996

ガラス使用